

«Զգեցէք որ մանուկները ինծի գան, արգելք մի ըլլաք անոնց,
որովհետեւ այդպիսիներուն է Աստուծոյ արքայութիւնը» Մարկոս 10.14:

Հայաստանեայց Եկեղեցւոյ
Սուրբ Յակոբ
Կիրակնօրեայ Դպրոցի Ամսաթերթ

Մ ԱՇՏՈՑԻ

Մ ԱՐՁԱԳԱՆԳ

www.sourphagop.org/մաշտոցի_արձագանգ

ԺԹ տարի

2012

Տարեկան Բացարիկ

Բովանդակություն

Խօսք Հովիւի եւ Հոգաբարձութեան	Էջ 3
Նկարներ՝ Կիրակնօրեայի 2011-2012 տարեշրջանէն	Էջ 4
Մեր Խօսքը՝	Էջ 7
Հակիրճ Տեղեկութիւններ 2011-2012 Տարեշրջանի Մասին	Էջ 10
Ձեռնարկներ եւ Արտադասարանային Աշխատանքներ Ժամանակագրական Շարքով	Էջ 12
Աշակերտական Ներկայութեան Տախտակներ	Էջ 13
Նկարներ՝ Կիրակնօրեայի 2011-2012 տարեշրջանէն	Էջ 14



ՄՈՒՐԲ ՁԱԿՈՐ ԱՌԱԶ. ՄԱՅՐ Մ ԿԵՂԵՅԻ

Église Arménienne Sourp Hagop Armenian Church

Զորեքշաբթի, 2 Մայիս 2012,
Մոնթրէալ

Սիրելի տնօրէնութիւն,
ուսուցչական կազմ, ծնողներ
եւ քանկագին աշակերտ-աշակերտուհիներ
Ս. Յակոբի Կիրակնօրեայ Դպրոցին,
Աստ,

Սիրելիք,

Այս տարի Իւնեսքօն Երեւանը ընտրեց եւ հռչակեց իբր Մայրաքաղաք Համաշխարհային Գիրքի: 2012 տարին Հայ գիրքի տպագրութեան 500-ամեակն է, ուստի միջազգային այն կազմակերպութեան որոշումը արդար էր եւ ճիշդ ժամանակին: Այս նոյն առիթով, Մեծի Տանն Կիլիկիոյ Վեհափառ Հայրապետը՝ Արամ Ա. Կաթողիկոս Կոնդակ մը գրեց՝ վերահաստատելու համար Հայ գիրքին մեծ կարեւորութիւնը վասն մեր ինքնութեան պահպանման ու յառաջդիմութեան:

Քրիստոսեան հաւատքին հայօրէն ընկալման առաջին հիմնական քայլը Աստուածաշունչի թարգմանութիւնն էր, գիտէք: Սահակ Պարթեւ Հայրապետ եւ Մեսրոպ Մաշտոց նախաձեռնեցին, եւ իրենց աշակերտներուն հետ «անեղին իմաստութիւնները» թարգմանեցին ու մեր ժողովուրդին տուին, որպէսզի արթուն ըլլայ անիկա, ըլլայ նո՛ր ժողովուրդ:

Աստուածաշունչի թարգմանութեան վրայ է, որ հայ գրականութիւնը զարգացաւ ու ծաղկեցաւ: Այն զարգացումը եւ ծաղկումը՝ դէպի Լոյսը ճամբորդութիւն մըն էր:

Մինչեւ Հայ գիրքի տպագրութեան 500-ամեակը, եւ անկէ ետքն ալ՝ մեր հայրերն ու Հայ հեղինակները գիրքերու հսկայ աշխարհ մը կտակեցին մեզի: Դարերու ընթացքին՝ ո՛չ թէ միայն Հայը կոտորուեցաւ, այլ նաեւ՝ Հայ գիրքը: Սակայն Հայն ալ վերապրեցաւ, Հայ գիրքն ալ: Լոյսին ճամբորդները չեն մեռնիր:

Կիրակնօրեան Հայ հաւատքին յուսալից հողաշերտ մըն է:

Կիրակնօրեան Հայոց այբուբենի ծառերուն գեղեցիկ պարտիզակ մըն է:

Կիրակնօրեան Գիրքերու Գիրքին՝ Աստուածաշունչին արեւը վայելող լուսաւոր եւ հեզ այգի մըն է:

Երանի՛ անոր հաւատարիմ ծնողներուն եւ աշակերտ-աշակերտուհիներուն: Ու վարձքը կատար տնօրէնութեան եւ ուսուցչական կազմին:


ՀՈՎԻ ԵՒ ՀՈԳԱՔԱՐՁՈՒԹԻՒՆ

Ս. ՅԱԿՈՐ ԱՌԱՋԱՌՈՒԱՆՈՍ ՄԱՅՐ ԵԿԵՂԵՅՈՅ



ՆԿԱՐՆԵՐ ԿԻՐԱԿՆՕՐԵԱՅԻ 2011-12 ՏԱՐԵՇՐՁԱՆԷՆ



ՆԿԱՐՆԵՐ ԿԻՐԱԿՆՕՐԵԱՅԻ 2011-12 ՏԱՐԵՇՐՋԱՆԷՆ



ՆԿԱՐՆԵՐ ԿԻՐԱԿՆՕՐԵԱՅԻ 2011-12 ՏԱՐԵՇՐՋԱՆԷՆ



ՄԵՐ ԽՕՍՔԸ

Փառք կու տանք Աստուծոյ, որ այս տարի եւս կրցանք Կիրակնօրեայ Դպրոց ունենալ եւ ամբողջացնել մեր 32-րդ տարեշրջանը: Այս տարի նաեւ 19-րդ տարեդարձն էր մեր ամսաթերթին՝ «Մաշտոցի Արձագանգ»ին եւ անցեալ Սուրբ Յակոբի տօնին օրը՝ Դեկտեմբեր 2011-ին մեր կայքէջին՝ www.sourphagop.org-ին 11-րդ տարեդարձն էր:

«Զգեցէք որ մանուկները ինծի գան, արգելք մի՛ ըլլաք անոնց, որովհետեւ այդպիսիներուն է Աստուծոյ արքայութիւնը»:

Յիսուս Քրիստոսի արտասանած խօսքերը, որոնք Հայց. Եկեղեցւոյ Կիրակնօրեայ Դպրոցներու նշանաբանն են, կը փսան հիմը մեր եկեղեցւոյ պայծառութեան: Այն եկեղեցիները որոնց մանուկները արգելքներ ունին երթալու Յիսուսին, դատապարտուած են պարպուելու: Յիսուսի այս խօսքերը պէտք է ըլլան հիմը Հայաստանեայց Եկեղեցւոյ մտապատկերին, մանաւանդ Գանատայի մէջ երբ պետութեան կողմէ վարժարաններու մէջ, հայ կրօնական դաստիարակութեան սահմանափակումին հետեւանքով, եկեղեցիներուն համար կենսական կը դառնայ հայ քրիստոնէական դաստիարակութիւն փոխանցել նոր սերունդին, եւ այդ կարելի կ'ըլլայ հիփսականօրէն Կիրակնօրեայ Դպրոցներու միջոցով:

Հայ Գիրքի Տարի

Ն.Ս.Օ.Տ.Տ Արամ Ա. Հայրապետի կողմէ, 2012ը տարին հայ գիրքի տարի հռչակուիլը մեզի խթան մը եղաւ որպէսզի նորանոր հայերէն գիրքեր զետեղենք մեր կայքէջին վրայ: Շարունակեցինք հայերէն գրել եւ քաջալերել մեր աշակերտները եւ բոլոր անոնք որոնք մաս կը կազմեն մեր եմակի ցանկին որ իրենք ալ մեսրոպատառ հայերէն գրեն երբ եմակով կամ Facebook-ով կը հաղորդակցին իրար հետ: Այս հայ գիրքի տարուան ընթացքին, շարունակեցինք օգտագործել քրիստոնէական դաստիարակութեան առաջին եւ մեծագոյն միջոցը՝ Աստուածաշունչը մեր դպրոցական առօրեային մէջ եւ քաջալերեցինք որ մեր աշակերտները, իրենց առօրեային մէջ, հաւատարիմ փսան Աստուածաշունչի խորքին եւ ոգիին:

www.sourphagop.org-ը 11 տարեկան

Մեր այս տարուան դպրոցական տարեշրջանի ընթացքին մեր կայքէջը տօնեց իր 11-ամեակը եւ շարունակեց ծաւալիլ: Ամբողջացաւ նախորդ տարի սկսած մեր կայքէջին նորոգումը նոր տառատեսակով (Sylfaen): Մանրամասնութիւնները կը գտնէք էջ 9-ի վրայ:

«Մաշտոցի Արձագանգ»-ի 19-ամեակ

Մեր այս դպրոցական տարուան ընթացքին հրատարակեցինք նաև մեր ամսաթերթը 19-րդ տարին ըլլալով եւ մեր կայքէջին ծաւալումով, ծաւալեցաւ նաև մեր ամսաթերթի կարդացողներուն թիւը: «Մաշտոցի Արձագանգ»-ի միջոցաւ, այս տարի եւս արեւմտահայերէնով 164 քրիստոնէական դաստիարակութիւն ջամբող էջեր աւելցուցինք համացանցին վրայ:

Աշակերտութեան թիւ

Այս տարուան ընթացքին, բաղդատած նախորդ տարուան, մեր արձանագրուող աշակերտներուն թիւը յառաջխաղացք արձանագրեց 38-էն 48-ի բարձրանալով: Իւրաքանչիւր Կիրակի օրուան միջին ներկայութիւնը սակայն, 26-էն միայն 30-ի բարձրացաւ: Այս տարուան ընթացքին մեր երկրորդականի աշխոյժ խումբը յոյս կը ներշնչէ մեզի ապագայի նկատմամբ: Մեր փափաքն է որ մեր երկրորդականի խումբը տարուէ-տարի աճի եւ մեր պատանիներն ու պատանուհիները երբ հասնին երկրորդականի բարձր կարգերը, ըլլան դաստիարակներուն օգնականները օգտագործելով իրենց հմտութիւնները:

Երգերու եւ Շարականներու ուսուցում

Երկար տարիներէ ի վեր առաջին անգամ ըլլալով ունեցանք երգերու եւ շարականներու ուսուցման մասնագէտ մը որ աւելիով հարստացուց մեր Կիրակնօրեայ Դպրոցի ծրագիրը: Կը յուսանք որ տարուէ տարի մեր աշակերտութեան սերը, հանդէպ մեր շարականներուն աւելիով ծաղկի, եւ անոնք ամբողջացնեն իրենց Հայ եկեղեցւոյ գիտելիքները:

Աստուծոյ կամքով՝ մեր 33րդ տարեշրջանը կը սկսինք Սեպտեմբեր 16, 2012-ին: Մինչ այդ, բարի արձակուրդ կը մաղթենք ձեզի:

Տնօրէնութիւն եւ Ուսուցչական Կազմ

Նոր Մեկնարկ www.sourphagop.org-ին

11 տարիներ ետք, մեր կայքէջը նոր տեսք ունեցավ: Մեր գործարկումն, որ սկսավ Դեկտեմբերի 10-ին, 2000 թ, մենք օգտագործեցինք Արասան հայերեն տառատեսակը, եւ ստեղծեցինք աւելի քան 1,000 էջեր: Սակայն Windows 7 (64 bit)ի ներմուծումով, Արասանը անգործածելի եղավ մեր այցելուներուն համար:

Մեր տասնամեակի առիթով Դեկտեմբեր 10, 2010ին, մեր կամաւորները որոշեցին բովանդակութիւնը փոխել Sylfaen-ի: Նախ պահեցինք նոյն տեսքը, սակայն վերջապէս որոշեցինք նոր տեսք մը տալ www.sourphagop.org-ին, որուն այնքան արժանի էր...:

Մենք դեռ որոշ ժամանակ պիտի պահենք նաեւ հին տեսքը, մինչեւ որ ամբողջացնենք լինան բովանդակութեան փոխարինումը Sylfaen-ի:

Շնորհակալութիւն բոլոր կամաւորներուն, որոնք վերջին 11 տարիներու ընթացքին սատարեցին www.sourphagop.org-ի յաջողութեան: Վստահ եմ, որ անոնք պիտի շարունակեն օգնել մեզի յաջորդ 11 տարիներու ընթացքին ալ:

ՀԱԿԻՐՃ ՏԵՂԵԿՈՒԹԻՒՆՆԵՐ

2011-2012 ՏԱՐԵՇՐՋԱՆԻ ՄԱՍԻՆ

Հայաստանի Առաքելական Սուրբ Յակոբ Առաջնորդանիստ Մայր Եկեղեցույ Կիրակնօրեայ Դպրոցը կը վայելէ եկեղեցույ հովանաւորութիւնը:

32-ամեակ Կիրակնօրեայ Դպրոցին

2011-2012 տարեշրջանը 32-րդ տարեշրջանն էր: Կիրակնօրեայ Դպրոցը սկսաւ իր գործունէութիւնը Խաչվերացի Կիրակին՝ 14 Սեպտեմբեր 1980-ին եւ յաջորդական 32-րդ տարեշրջանը բոլորեց այս տարի: Իւրաքանչիւր տարեշրջան կը սկսի Խաչվերացի Կիրակին եւ կը տեւէ մինչեւ Մայիսի վերջը: Դասաւանդութիւնները տեղի կ'ունենան ամէն Կիրակի օրերը 10:30-1:00: Այս տարի Դպրոցը ունեցաւ մանկապարտէզի 3 եւ նախակրթարանի 6 դասարաններ ինչպէս նաեւ երկրորդականի 2 դասարաններ:

19-ամեակ «Մաշտոցի Արձագանգ» ին

Մեր 2011-12 տարեշրջանի ընթացքին նաեւ հրատարակեցինք, 19-րդ տարին ըլլալով՝ մեր պարբերաթերթը, «Մաշտոցի Արձագանգ»ը ամսական դրութեամբ: «Մաշտոցի Արձագանգ»ը կը տպուի եւ PDF ձեւով կը կարդացուի աշխարհի 5 ցամաքամասերուն վրայ http://www.sourphagop.org/մաշտոցի_արձագանգ էջին վրայէն:

11-ամեակ www.sourphagop.org-ին

10 Դեկտեմբեր 2000-ին, Սուրբ Յակոբի տօնին օրը, դպրոցը ունեցաւ իր կայքէջը՝ www.sourphagop.org-ը: Մեր կայքէջը ունի հետեւեալ բաժինները. Մեր մասին, Սուրբեր, Տօներ, Գիրքեր (ուր կրնաք գտնել մեր դասագրքերը, Ազգապատումը իր 3 հատորներով, Բառարան, Եկեղեցական Բառարան, Սուրբ Պատարագը, Ժամագիրքը, Գրաբար Նոր Կտակարանը եւ Կրօնական Գիտելիքները), Ժամանակացոյց, «Մաշտոցի Արձագանգ» ի բոլոր թիւերը, Հայերէն տառատեսակ, Ճաշու Աւետարան, Տօներ, Բառարան, Եկեղեցական բառարան, Պարբերաթերթ, Կապեր, Կարծիքդ, Խաղեր, Զարգացման Սրցում, Church Timeline, Daily Bible:

ԿԱԶՄ

Կիրակնօրեայ Դպրոցի 2011-12 տարեշրջանի իրենց մասնակցութիւնը բերին հետեւեալները.

Դաստիարակներ

Թամար Գիզիրեան՝
Յասմիկ Նաճարեան՝

Մանկապարտէզի Ա. եւ Բ. Կարգերուն
Մանկապարտէզի Գ., Նախակրթարանի Ա. եւ Բ.

Շողիկ Նաճարեան՝ Նախակրթարանի Գ. եւ Դ.
Յասմիկ Գանաճեան՝ Նախակրթարանի Ե. եւ Զ.

Երգերու եւ շարականներու ուսուցում

Վաչէ-Սագո Պոյաճեան՝ Նախակրթարան, Երկրորդական

«Մաշտոցի Արձագանգ»

Շաղիկ Թորիկեան Պոյաճեան եւ Անի Թորիկեան Պապիկեան

Օգնական Ուսուցիչ

Առէն Պապիկեան Երկր. Դ-ի աշակերտ

Տնօրէն

Թորոս Պապիկեան՝ Երկրորդականի պատասխանատու

Կազմը գումարեց ժողովներ, որոնց ընթացքին արձարծուեցան ծրագրային, կարգապահական, արտադասարանային աշխատանքներ եւ այլ նիւթեր:

ԱՇԱԿԵՐՏԱԿԱՆ ՎԻՃԱԿ

2011-12 տարեշրջանին արձանագրուած աշակերտութեան թիւը 48ն էր, իսկ շաբաթական ներկայութիւնն էր 30՝ բաժնուած 5 խումբերու:

ԴՊՐՈՑԻ ԱՌՕՐԵԱՆ

2011-12 տարեշրջանին Կիրակնօրեայ Դպրոցի առօրեան ընթացաւ Հայաստանեայց Եկեղեցոյ Կիրակնօրեայ Դպրոցներու դասաւանդական հիմնական կառուցուածքին համաձայն՝ լսարանային եւ դասարանային բաժանումներով, ուր դասաւանդուեցան Ս. Գրային, ծիսական, բարոյագիտական եւ գործնական ծանօթութիւններ, գիտելիքներ եւ աղօթքներ:

Լսարանային բաժին

Տէրունական աղօթքի, մաղթանքներու եւ Կիրակնօրեայ Մաղթերգէն ետք, աշակերտները բաժնուեցան 2 խումբերու:

Մանկապարտէզի Ա. Բ. Գ. եւ Նախակրթարանի Ա. Բ. Դասարանները Նախակրթարանի Գ. Դ. Ե. եւ Զ. Դասարաններ եւ Երկրորդական:

Պահը ընթացաւ հետեւեալ ձեւով.

Ոսկեղէն համարներու կամ Մաղմոսներու ուսուցում
Բարոյալից պատմուածքներու ներկայացում
Կրօնական երգերու եւ շարականներու ուսուցում
Ճաշու Աւետարանի ընթերցում եւ մեկնաբանութիւն:

Դասարանային բաժին


Դասաւանդուեցաւ ըստ դասագիրքերու:

ՉԵՌՆԱՐԿՆԵՐ ԵՒ ԱՐՏԱԴԱՍԱՐԱՆԱՅԻՆ


ԱՇԽԱՏԱՆՔՆԵՐ

11 Սեպտեմբեր 2011	Տարեսկիզբ եւ վերամուտ
18 Սեպտեմբեր 2011	Վարժարանի աշակերտութիւնը մասնակցեցաւ Սուրբ Պատարագի խորհուրդին եւ հաղորդուեցաւ:
9 Հոկտեմբեր 2011	Թարգմանչաց տօնի յատուկ յայտագիր
8 Յունուար 2012	Ամանորի եւ Սուրբ Ծննդեան զոյգ տօներու հանդիսութիւն, ուր տեղի ունեցաւ աշակերտներուն պատրաստած գեղարուեստական ելոյթը: Հանդիսութիւնը վերջ գտաւ հիւրասիրութեամբ եւ նուէրներու բաշխումով:
19 Փետրուար 2012	Վարդանանց եւ Բուն Բարեկենդան տօներու յատուկ տօնակատարութեան
Դպրոցը Մեծ Պահքի շրջանին ունեցաւ իր աշակերտական պահքի հետեւեալ ժամանակացոյցը.	
Ա. շաբաթ	Ծամոն
Բ. շաբաթ	Շաքար
Գ. շաբաթ	Կազային խմիչքներ
Դ. շաբաթ	Հեռատեսիլ, համակարգիչ, այլ պաստառով խաղեր
Ե. շաբաթ	Կոլոհատ, տուրմ
Զ. շաբաթ	Chips
Է. շաբաթ	Հաւկիթ
17 Մարտ 2012	Դպրոցի Տնօրէնութիւնը, Ուսուցչական կազմը եւ երկրորդականի աշակերտները ստանձնեցին Հայ Եկեղեցոյ Տաղաւարի պատասխանատուութիւնը Ազգային Առաջնորդարանի կազմակերպած Մանկական Ա. Փառատօնին ընթացքին: Հոն ներկայացուեցաւ Կիրակնօրեայի Կայքէջը, «Մաշտոցի Արձագանգ»ը, Հայ Եկեղեցոյ մասին ծանօթութիւն, սակայն ամենէն աւելի ժողովրդական էր Հայկական Խաչի ձեռային աշխատանքը, որուն մասնակցեցան փառատօնի մասնակից մանուկներու ու պատանիներու մեծամասնութիւնը:
31 Մարտ 2012	Դպրոցի ուսուցչական կազմը եւ աշակերտութեան մեծ մասը մասնակցեցան մեր Եկեղեցոյ Գործադիր Մարմնի կողմէ կազմակերպուած նախա-Ծաղկազարդեան ընտանեկան հաւաքոյթին:
1 Ապրիլ 2012	Դպրոցը փակ էր Ծաղկազարդի առիթով
8 Ապրիլ 2012	Սուրբ Զատկուայ յատուկ նշում
20 Մայիս 2012	Ամալերջի Հանդէս

Աշակերտական Ներկայութեան Տախտակներ



2011 - 2012 տարեշրջանի իրաքանչիւր դասարանի արձանագրություն եւ միջին ներկայություն



2011-2012 տաեշրջանի իրաքանչիւր Կիրակի օրուայ ներկայություն

ՆԿԱՐՆԵՐ՝ ԿԻՐԱԿՆՈՐԵԱՅԻ 2010-11 ՏԱՐԵՇՐՉԱՆԷՆ

